

14. november

UKA2018/136

Meeqquerivinni pikkorissunik sulisoqalernissaq anguniarlugu qanoq iliorluta perorsaasutut ilinniarnep sulinissallu pilerinarnerulernissaa pillugu apeqquteqaat allaavigalugu oqallinnissamik siunnersuut.

Meeqquerivinni pikkorissunik sulisoqalernissaq anguniarlugu qanoq iliorluta perorsaasutut ilinniarnep sulinissallu pilerinarnerulernissaa pillugu apeqquteqaat allaavigalugu oqallinnissamik siunnersuut.

Apeqquteqaat aallaavigalugu oqallisissiaq Nivi Olsen, Demokratiniit saqqummiussaanut qujavugut. Siumumiit imannak oqaaseqarfigissavarput.

Toqqissisimaneq isumakuluuteqannginnerlu. Tassaapput meeraaqqat ulluunerani paaqqinnittarfimmuut tunniutileraangatsigit angajoqqaatut kissaatitta annersaat pingaarnersaallu. Tunniussivippuut tatiginninnermik misigiffigiumallugu qanoq avatangiiseqarnera sulisoqarnikkut angajoqqaajussutsitta pigisaanik maluginiapallattarparput. Isumaqarpugut tamanna pissusissamisoorluinnartoq. Ilisimavarput suliffik ingerlalluortoq tassaajuartoq pitsaasumik sunniuteqarsinnaasoq inerititaqarfiusinnaasorlu.

Nivi Olsen tamakkiisumik isumaqatigaarput. Naatsorsuutigisinnaavarpullu inersuarmi partiit arlaannaataluunniit siunnersuuteqartup siunnersuutaa isumaqatigiiffigissagaat. Takusinnaavarpullu suleqatigiiffigisinnaallugulu ataatsimoorfigisinnaagippuut. Tunngavilersuummi ilaanni eqqaavaa perorsaasut akissarsiaasa annertunnginnerat, tamanna eqqortuusorilluinnarparput. Ullutsinni inuuniarnikkut ilinniartitaanikkullu periarfissat pitsaasut aallaavigalugit ilinniarusussuseq qitiutinneqarnerusoq ilisimavarput. Nassuerutigisinnaasariaqarparput perorsaasut akissarsiaat ajunngitsorsiaallu nalitsinnut torrallataajunnaarsimallutillu naleqqukkunnaarsimammata. Eqqortuusoriivarpullu perorsaasunik amigaateqarnerput nuna tamakkerlugu annertullunilu piummat. Ajornartorsiut ilungersunartuuvoq qulequtaannartullu isiginagu iliuuseqarfiginissaanut tamaviaartariaqarpugut.

Nunatsinni isorartuumi inoqarfippassualimmilu Siumumiit pingaartutut isigaarput Najugarisaaq qimannagu ilinniartarnerup meeqqerisunngorniartarnermi atorluarneqarnissaa.

Siunnersuuteqartup anguniakkatut pingaarnertut tikkuarpaa sulisut pikkorissut pigilernissaanut qanoq iliorluni perorsaasutut ilinnialernissap pilerinarnerulernissaanut apeqqut. Nalunngilarput suna tamarmi imminut ataqatigiittoq. Allanguut sunaluunniit allanut sunniuteqartartoq. Nikeriarneq annikkaluartoq sunniuteqarsinnaasarpooq ilaatigut naatsorsuutigisamit annerusumik. Taamaattumik ataasiinnarmik allannguerusunneq ataasiinnarmut sunniuteqarsinnaasannngilaq. Tamakkiisumik ilivitsuusumillu eqqarsartariaqarpugut. Aallartiffiup toqqavia maani inersuarmi sorlalertariaqarparput. Tamannaavoq pilersinniagassarput, tamannaavorlu siunissaq ungasinnerusoq isigalugu tamatsinnut iluaqutissarput.

Siullertut perorsaasutut ilinniarsimasut suliffimminillu paarsilluartut nersualaarumanngitsuunngilagut. Qujanaq suliffissinnut paarsilluarassi, qujanarlu meeqqat ilaqutaariillu sullikkassigit. Aamma qujanaq ukiaq aallarereersoq akerliussutsimik takutitsigassi, tusaallusilu paasilluarpatsigit. Tusarnaarnerput tusarnaarnertut kisiat isiginagu iliuseqarnissamulli aqqtissieqataasuppugut. Ilisimalluinnarparput qanoq inissisimasusi. Atukkasi imaannasimanngeqaat, pattalaarlusilu nasaarfigaatsigit.

Suliffik pilerinartoq tassaasarpog akissarsiatigut periarfissatigullu pitsaasumik ingerlatsisoq. Taamaattariaqarporlu perorsaasut atugaat. Inuit ilinniakkamikkut assigiimmik ilinniagaqaraluaangamilluunniit piginnaasat tunniussinnaasallu assigiinngissinnaasarpog. Taamaattumik Siumut isumaqarpoq pikkorissusermik uuttortaanissaq siammasillunilu uuttortaruminaattuusoq. Kisianni pikkorissartarnikkut piginnaasat qaffarsartuarneqarsinnaasut naatsorsuutigarpog. Aamma Siumut isumaqarpoq meeqqerivinni aqutsisugissaarneq tassaasoq sulisoqarnikkut taarseraaffiunngitsoq pitsaasumillu sunniuteqarfiusoq. Taamaattumik sulisut pikkorissut tassaappog suliffimminni toqqissisimasut siunnersorneqarluartog, tusaaneqartog isummersinnaanerminnullu pisinnaatitaaffeqartog.

Naalakkersuisut saqqummiussaog aallaavigalugu apererusunnarpoq inuiaqatigiit siunissami perorsaasunik imminut pilersornissaog anguneqassappog, taava suna neqitarineqassava, qanorlu isikkoqassava? Pisariaqartitsineq tamakkiisoq matussuserneqassappog allaog meeqqerivinni perorsaasut amigaataajunnaarsillugit, taava qanoq aaqqissuusseqqinnissaq takorloorneqarpo? Ilinniarfimmik nutaamik pilersitsisoqarniarpo, taava sumi ilinniarfik taanna napparneqarniarpo? Ilinniartullu qassit aallartissinnaanissaog naatsorsuutigineqarpo? Akissuteqaammilu paasivarpo "Ulluunerani paaqqinnittarfinni sulisunog periusissatog iliussissatullu Pilersaarutaanni" misissuineq aallarereersimasog, tamatuma qaqugu saqqummiunneqarnissaa naatsorsuutigineqassava?

Siumumiit Nalakkersuisut manna iluatsillugu kaammattuutigeqqissuarpo perorsaasut akissaasersorneqarneranni pitsanngorsaanissaq eqqumaffigeqqullugu.

Angajoqqaanngorneq nuannersuuvoq pilerinartuuneralu ilaqutariilersunog oqinnerusariaqarnera Siumumiit suleqataaffigerusoqarpog. Nunatsinni inuit amerliartorunnaartog muminganog sangutissagutsigit atugassarititaasog arlalitsigog pitsanngorsaaaffigisariaqarpog. Perorsaasutog ilinniagallit atugaasa pitsanngorsarneqarnerat kisiat pinnagu susassaqarfiilli akimorlugit aaqqiissuteqqinnissaannog peqataarusoqagog.

Oqallinnermut qujanaq, siunnersuuteqartorlu qutsavigeqqipparpo oqallinnermut soqutiginarog pingaarutilimmullu.

Laura Táunâjik, Siumut